

## «Вақф» фонди томонидан хайрия ишлари давом этмоқда



14:03 / 10.11.2025 958

Ўзбекистон мусулмонлари идораси ҳузуридаги **«Вақф» хайрия жамоат фонди** Ўзбекистон Республикаси Президентининг ПҚ-5416-сонли қарорига биноан 2018 йилда ташкил этилган. Фонднинг асосий мақсади – кўп асрлик миллий ва диний қадриятларимизни асраб-авайлаш, илм-фан ва маданияти ривожига улкан ҳисса қўшган аجدодларимизнинг бебаҳо меросини ўрганиш, халқимизга азалдан хос бўлган маърифатпарварлик, бағрикенглик, меҳр-мурувват, бунёдкорлик каби эзгу фазилат ва қадриятларни давом эттириш, хайр-саховат анъаналарини кенг ёйишдан иборатдир.

**«Вақф» хайрия жамоат фонди** томонидан 2025 йилнинг тўққиз ойи давомида кенг кўламли хайрия ишлари амалга оширилди. Фонд ва

ҳомийлар маблағи ҳисобидан **17 982 та оилага 26 млрд сўмдан ортиқ** озиқ-овқат, кийим-кечак, маиший техника, кўмир ва бошқа маҳсулотлар тарқатилди. Шунингдек, ижтимоий ҳимояга муҳтож 123 нафар фуқарога **547,7 млн сўмлик моддий ёрдам** кўрсатилди.

Уй-жойга муҳтож оилаларни қўллаб-қувватлаш мақсадида **50 та тўлиқ жиҳозланган уй** топширилди. Буларнинг аксарияти боқувчисини йўқотган, ногиронлиги бўлган ёки етим фарзандли оилалардир.

Фонд фаолияти 10 дан зиёд йўналишни қамраб олади. Жумладан, «Беморларга моддий ёрдам ва даволаш», «Етим ва камбағалларни касб-ҳунарга ўргатиш» каби дастурлар доирасида эҳтиёжмандларга **2,8 млрд сўмдан зиёд** маблағ ажратилди. 12 та вилоятдаги 120 нафар бола бепул касб-ҳунарсизлик курсларига жалб этилди.

Болаларни маънавий қўллаб-қувватлаш мақсадида «Китоб учун 5 миллион» лойиҳаси амалга оширилиб, китобхон болалар 5 млн сўмлик мукофотларга сазовор бўлишди. Шунингдек, мактаб формалари, ўқув қуроллари ва озиқ-овқат маҳсулотлари ҳам тарқатилди.


Инфратузилма йўналишида сувсиз ҳудудларда қудуқлар қазилиб, ичимлик суви чиқариш ишлари, хусусан, Сирдарё, Андижон ва Жиззах вилоятларида амалга оширилди.


Фонд Саудия Арабистони, Туркия, Қатар, БАА ва Кувайт каби давлатлар билан ҳамкорликда халқаро хайрия лойиҳаларини йўлга қўйди.


Рамазон ойида 1100 та оилага ифторлик учун озиқ-овқат тарқатилди, 1940 нафар эҳтиёжманд фуқарога ифтор дастурхонлари ёзилди. Қурбон ҳайитида эса фонд ва ҳомийлар ҳиссаси билан **318 та қўй, 46 та қорамол ва 1 та туя қурбонлик қилиниб, 5553 дан ортиқ кам таъминланган оилалар ва муассасаларга тарқатилди.**


Шуни алоҳида таъкидлаш лозимки, **фонднинг маъмурий харажатлари тижорат фаолиятидан тушган маблағлар ҳисобидан қопланади**, хайрия ишларига йўналтирилган маблағлар эса фақат эҳтиёжмандларга сарфланади.


## “Вақф” хайрия жамоат фондининг 9 ойлик ҳисоботи


 **Озиқ-овқат ва моддий ёрдам**


 17 982 та оилага озиқ-овқат ва бошқа товарлар **26,5 млрд**


 123 нафар шахсга моддий ёрдам ажратилди **547,7 млн**


 **Хорижий ҳамкорлик**

 Саудия Арабистони, Туркия, Қатар, БАА ва Кувайт билан ҳамкорлик ўрнатилди.

 9 840 та кам таъминланган оилаларга ёрдам етказилди **5,6 млрд**

 **Уй-жой билан таъминлаш**

 50 етим ва мискин оилага тўлиқ жиҳозланган уй берилди **28,1 млрд**

 Таъмирлаш учун жами сарфланган маблағ **759,5 млн**

 **Тиббиёт ва таълим**

 Даволаниш учун беморларга кўмак **2,8 млрд**

 Таълим муассасалари ва талабаларга моддий ёрдам **1,88 млрд**

 Етим ва кам таъминланган болалар ўқув курсларига жалб қилинди **120 нафар**

 **Рамазон ва Қурбон ҳайити**

 Ифторлик озиқ-овқат маҳсулотлари тарқатилди **1 100 оила**


 Ифторлик дастурхони **1 940 нафар**


 Қурбонлик қўй **318 дона**


 Қурбонлик мол **46 дона**

 Қурбонлик туя **1 дона**

Оилаларга тарқатилди **5553 та**

 **Масжидларга ёрдам**

 Қурилиш, таъмир ва моддий-техник база учун **1,96 млрд**

 Имом ва ходимларга моддий ёрдам **211,5 млн**

**Матбуот фаолияти**

 Веб сайтдаги мақолалар **84 та**

 Facebookдаги постлар **53 та**

 Instagramдаги постлар **271 та**

 Telegramдаги постлар **562 та**

 Босма нашрлардаги мақолалар **13 та**

 Эфирга узатилган дастурлар **19 та**

 Зиёратгоҳларни сақлаш ва ободонлаштириш **10,1 млрд**

 Қудуқ қазиш учун (Сирдарё, Жиззах ва Андижон вилоятлар) **993 млн**